

南平縣志卷之十六

列女

夫繁霜既降彰後凋於貞松疾風加嚴志不屈於勁草匪惟君子抑亦婦人然則易筮女貞詩歌誓死清芬載馳香名永劭矣雖順逆殊遇而恭懿同軌倘其從容禮闈笄珈永偕舅姑歡奉乎特豚琚璜式節其步矩佐讀糠燃挑燈帶斷梁鴻有妻文伯有母既昭婦則亦擅母儀故於篇首冠以名媛亦以處順者夥而稱賢者寡示

以楷模廣程巾幗至於羅幃既卷素幃泣寒非鐵石之宅衷詎胭脂之頓屏然或眷戀雛遺勲翹烏哺持熊丸而有憑亦鸞鏡之任空矣其有璋瓦未卜鵲鳴早去又素壁之徒居竟霜操之不改誰謂荼苦其甘如薺允宜懸諸日月禡氣鬚眉矣然此猶夫婦之恩深而結髮之盟重也至若十年甫字百兩待歸尙遲凰飛倏爾鳧寡即使志於改絃誰復責以膠柱而乃完其太璞守其太素視婚書堅於鐵券重一諾逾於千金

蓋堅奇性生匪因教至宣之內則不可以廉頑  
立懦乎遂乃次第著之於篇志列女

列女一 媛名

宋

羅令人 張維妻

羅令人宋左司郎中張維妻沙縣人生二十有二年歸維事姑羅恭人以孝謹聞姑愛之如己女維故貧初仕將遣其女弟而無資羅悉出橐中裝以奉之無吝色事維二兄旦暮率諸幼稚以次問起居無一日闕禮子姪就學歸沐輒具湯餅會諸姊妹男女語次從容問所學業勞勉諸姪以勵其子油油如也姑嘗疾氏靜夜露香致禱願捐己壽以延姑年如是者數月姑疾頓愈後三年氏卒姑哭之慟至老念之不能忘與人言必稱其孝至於泣下氏儉約謙下好禮法有識度嫁時篋中有黶色絺衣忌日輒被以奉祭稱慰如儀常所服禮衣橫帔如民間法或告以張公且通朝籍盍改用命服氏曰此非拜恩何敢服也卒以禮終

明

南平縣誌

卷之十六 列女

三

朱氏林有黃氏林翔

朱氏名多穌字長林江藩石城王孫拱棧女林有  
棉妻幼習詩書長能文字遍覽諸內府六藝之  
科雌黃三校自謂女子居質柔菲綫蹊鍼孔槩  
鉛不了自甘淺鄙如非心志高古聰善烝澄雖  
有姬姜出諸孔孟吾未見等員殊方智鑰一操  
也善夫宋若昭曰女子而修文尙武非關輔弼  
功自是無爲化言此道初不因誘掖蓋自達固  
耳與夫姪婦黃氏唱酬有風流誰得似廣殿說

南平縣誌

卷之十六 列女

四

逢迎之句可以想其意趣

黃氏名唯字無違林翔鵠妻沙縣孝廉黃幼山孫  
女幼山善詩畫氏性娟慧學其筆墨惟肖嘗作  
女三字經又以蘇氏璇璣圖包宇宙精英括人  
情機巧特爲屬和兼標原圖讀法諸母朱氏爲  
點定作序崇禎癸酉元旦語家人曰我夢太元  
夫人召我往會於上元前一日果如其言而脫  
所著有汐梅閨集曾孫昌麟刻於瑞雀樓

國朝

■ 氏 陳 氏 應廷妻 應 氏 盧端妻

朱 氏 魏朝恕妻 劉 氏 謝麟妻

氏黃臺溪後人姑先歿事舅惟謹家貧饗餐取辦臨時一日晨炊無米舅坐臥小樓食頃寂然問曰飯熟未孝婦婉詞以應已泔米矣更緩須與耳其實夫出易米尙未歸也恐傷舅心爇火炊甑卽此委婉其平日之孝養可知矣

陳氏廩生應廷對妻廷對生三歲而孤母謝氏教

南平縣誌

卷之十六 列女

五

之成立陳德性幽閒庭內有如賓之日常以艱嗣勸夫置妾廷對未忍也陳曰君年逾壯不亟圖嗣續負吾姑矣乃出奩資屬夫門人張在魯於會城選宜男女子得吳氏歸待之如姊逾年舉子掄魁陳保抱提攜甚於己出妻妾相得終身無間言

應氏盧端樹妻年十七于歸其時舅姑無恙氏事之唯謹越三年夫卒舅續娶張氏甫五年張氏得癱瘓疾手足不能持行應氏晨起爲張梳洗

畢乃操井臼奉餐則飶之起臥則抱持之日率如常至張卒氏事之八年矣且舅老體羸多疾子烘幼勞瘁無少勩氏委曲畢備無難色年未五十而卒

朱氏魏朝恕妻自幼婉婉及適魏赤貧處之自若姑年邁多病護侍無難色一日姑病篤思食肉氏以己買慰之實無錢買也乃割股以進姑疾亦漸愈里人傳其事有聞而泣下者年五十有六卒

南平縣誌

卷之十六

列女

六

劉氏謝麟妻歲貢純鑣進士純欽母也年十六歸麟麟以武職出防氏持家教子成立日事堂上內外賢之幼能詩未以示人至四十時有隨雨隨風到自頭之句年八十有五人以爲詩語之驗云

列女二 貞烈

宋

小常村婦

小常村農民妻失其姓名叛卒楊勅寇亂道出小常村劫掠執婦欲污之死不從遂遇害棄屍道傍賊退人爲收瘞屍所枕藉處其迹宛然不滅每雨則乾晴則濕削去則復見覆以他土其跡愈明

明

南平縣誌

卷之十六

列女

七

縻

氏

縻華仲女

徐

氏

黃瓊妻

林

氏

郭茂妻

黃

氏

林鳴鳳妻

無名氏女

縻氏延平衛戎籍仲華女名曹婢早失怙恃依父妹居年十九許聘王文珍正統十三年未嬪而珍卒越三日知珍將葬柩必過其門取受聘衣飾之屬付所依者乃沐浴更衣登樓隙中目送其喪過卽自縊邑人尙書劉璋輓以詩郡守孫衍通判金蘭各相與倡和美之舊志謂爲女中卓行

劉璋詩

玉顏未嫁痛夫亡  
潛上高樓日送喪  
淚灑西風輕一死  
芳名直與日爭光

徐氏黃瓊妻名冬使少艾適瓊瓊蕩子也欲鬻徐於富商徐涕泣不從曰卽見逼有死耳富商駭愕而去瓊又誘惡少娶之徐度不能脫奔母家與訣母曰若夫誠無賴惡少固不足託豈無他匹乎何自苦爲徐不聽懊惋歸其室是夕自縊死嘉靖十七年知縣伍偉上共事郡守裴椿爲

南平縣誌

卷之十六

列女

八

之斂葬題其墓曰貞節

林氏郭茂賢妻嘉靖四十年爲流賊所擄欲污之唾罵不從賊以刀斷其舌猶罵不絕四肢解而死備極慘酷

黃氏林鳴鳳妻名怡姐天竺里人嘉靖壬戌流賊猝至氏年十七扶其姑出走爲賊所獲氏以頭搶地鮮血迸流不得死執至高樓卽奮身墜樓下死賊退夫收其屍時已七日矣顏色如生無名氏不知何許人某歲水暴漲女偕母附水漂

流由建溪達延津舟子援焉悅其美欲汚之堅  
執不從乃溺其母以駭女女亦急赴水以死事  
詳羅明祖貞女賦

國朝

朱氏施二妻張氏吳華妻魏氏李光妻

管氏李鳳母梅氏梅雲女章氏陳宏妻

鄭氏林志妻盧氏梁思顯妻蔡氏蔡禹積女

王氏鄧法妻李氏周兆熊妻陳氏張昌妻

朱氏施二酉妻善事舅姑婉婉將順家人皆稱其

南平縣誌

卷之十六

列女

九

孝二酉業儒有潔癖烈婦事之唯謹卒無忤色  
順治戊子春郭天才兵入吉田擄掠二酉夫婦  
逃竄相失烈婦為賊所獲欲汚之烈婦不從賊  
怒而殺之二酉踉蹌奔覓見其手握裙帶猶堅  
也亦痛哭罵賊而死

張氏桔溪吳華壽妻順治己丑山寇肆虐遷喬諸  
鄉華壽病不能逃縊死廠中張氏見夫自縊恐  
為賊辱投繯夫側賊見之亦稱烈氏南平訓導  
張應麟之女閩清人

小傳有施氏魏武  
妻目錢遺漏未載  
因板仄難補特為  
明以俟修志增入

魏氏生員李光啟妻啟避賊出走氏爲賊執誓不受污賊刃交下遂見殺

管氏性貞淑配李某終年遊蕩衣食不繼久而貧窶益甚遷徙無定遂有餌以錢帛而思穿屋墉者氏厲色正容以拒之不得已歸依母兄李以貧故屢欲嫁氏以苟活甚或強以不堪氏皆堅決不從後見夫性行終不悛改一日辰起盥櫛如常從容自刎合郡人士或爲立傳或作歌詩事在康熙四十七年閏三月十七日也

南平縣誌

卷之十六

列女

十

梅氏名桂第邑人梅雲彩之女幼喪母年十九許配丁鴻緒未嫁而鴻緒卒氏思旣受其聘卽爲丁家婦矣何忍再適他姓俟父外出卽毅然自縊雲彩奔救無及矣鳴諸府縣嘉其節烈准送入九烈祠

章氏蓮妹儒童陳宏謨妻結褵一載而宏謨卒氏亦投繯從殉附祀九烈祠

鄭氏克有女年十七適洋洧村林志光未期志光歿婦痛事夫之日短而身爲未亡人不忍遂閉

戶自經家人驚救不能活乃納含佩一腕獨失其釧及殯志光釧在其臂蓋氏矢同穴早撫尸而約之矣事在乾隆十七年七月十五日

盧氏寶龜山世英女年十六適峽陽梁某次子思顯年幼翁令獨宿爲新臺之要氏弗從一日弟往省視氏脫首飾付曰汝善啟母見物如見女弟歸遂自經

蔡氏尤邑芝田蔡禹積之女字漳湖坂陳道貢未婚而道貢没氏年十五聞訃自經氏母胡送屍

南平縣誌

卷之十六

列女

十一

夫家同殯葬焉

王氏庠生鄧法天妾氏年二十歸於鄧相從五載法天疾卒誓不獨生念嫡孀守隱忍相依閱三載嫡又卒氏營喪既畢遂投繯自盡

李氏正黃旗延平知府周元文子兆熊之妻事上孝待下慈夫亡日夜哭不絕聲擇日移夫棺郭外托言晝寢從容易服閉門自縊

陳氏張昌雲妻年二十三夫亡殯殮畢遂歸房自縊人稱其烈

施氏折竹鄉魏武燦妻年二十而燦亡僅遺一子  
氏哀痛迫切誓不欲生時親族有勸以保身撫  
孤爲重氏不答及夫殯殮畢閉門自盡人咸稱  
其從容就義云

列女三  
孝節

宋

朱氏楊守緘妻

朱氏晦翁姪女楊守緘妻年二十六夫逝遺孤六尺誓不改適貞靜自守卒年八十四隆武丙戌以節聞錢按院旌之

明

翁氏劉通妻何氏劉雄妻吳八姑吳鏞女

葉氏黃勝寶妻梁氏張瑄妻葉金姑葉文足女

南平縣誌

卷之十六

列女

十三

林氏歐瀾妻林氏王鼎妻薛氏楊文厚妻

游氏吳節妻魏氏張瑤妻倪吳氏陳瑞妻

任氏廖詩妻李氏蕭元春妻何氏楊大妻

黃氏楊繼周妻李氏謝元學妻李氏何繼文妻

潘氏謝允敬妻張氏葉韓妻楊氏謝其妻

謝氏楊德裕妻曹氏徐璉妻張氏徐良翰妻

盧氏黃方巖妻李氏黃金騰妻謝氏徐日環妻

張氏徐聯英妻王氏黃西峰繼室施氏吳至善副室

陳氏吳朝安妻徐門四節 魏氏鄧權妻

□氏徐日環妾原本  
□作妻閱後謝氏小  
傳有事嫡鄧氏惟謹  
□係妾無疑今校正

謝氏鄧賢妻林氏高詩妻

翁氏贈工部尚書劉通妻尚書璋母也幼嫻內則

歸劉以孝謹聞年二十九通卒長孤旭方髫齡

次璋在襁褓翁辛勤紡績教育二孤脫簪珥遺

之入學郡守雷誠欲上其行辭曰守節婦之恒

豈願有聞卒後八年而璋第進士游志舊志皆作翁氏郡省

志作俞非是

何氏名妙玉劉雄妻年十八歸雄甫三月雄詣京

襲父福指揮秩卒於邸訃聞守節自誓閉門事

南平縣誌 卷之十六 列女 十四

女紅養姑姑卒殯葬以禮烝烝乎子立持身益

嚴足未嘗出戶限雖親屬隣婦罕見其面鄉人

咸重其節

劉璋詩 良人早云歿茹苦世間無家窘將誰託姑衰只

自扶乾坤雙髻短風雨一燈孤萬古綱常繫人憐孝節俱

吳八姑鏹女甫及笄許字某未婚而卒終身守節

葉氏黃勝寶妻寶疾亟語曰修短命也第親老子

幼汝能守瞑目矣氏曰敢忘君言時年二十五

勵志守節事老育孤以孝節名卒年七十一兵

部尙書孫原貞節鎮八閩輓以詩有想見地下  
夫無愧生前好之句

梁氏延平衛指揮僉事張瑄妻瑄病篤梁方娠三  
月仰天誓曰縱非男嗣此生決不作他人婦瑄  
歿梁年二十七卒如其言生子勝襲父職梁年  
六十餘卒

葉金姑蓼地里人文足女有兄八人遭明初世亂  
諸兄離散八兄孔明抽當潼關軍金姑義不忍  
嫁與孀嫂相守年七十七以貞女終

南平縣誌

卷之十六

列女

十五

林氏國子生歐瀾妻宿州學正金梁母梁生甫期  
瀾卒林年十八誓志靡他撫孤終身精白無愧  
推官徐階爲序旌之

林氏王鼎妻年十八適鼎生一女而夫卒年甫二  
十一舅姑早逝家貧林勤苦撫夫弟南山如子  
遣讀書俾克成立年五十一以節終郡同知吳  
彥親弔其家匾旌之

薛氏楊文厚妻名玉瑄年十七適楊未期楊卒遺  
娠七月及生子赦父母欲易其志氏斷右鬢自

明朝夕紡績撫子成立孀居四十年內外賢之  
年五十六卒嘉靖元年詔修先朝大典部使上  
其事

游氏吳節妻年十八適吳生二子年二十三而夫  
亡言不踰閭事翁姑以孝撫二孤以慈勵行苦  
節人無間言卒年六十五

魏氏張倪瑤妻年十九適張生二子年二十七瑤  
卒二孤相繼歿卒不奪其志年五十而終

吳氏庠生陳瑞妻年十九夫亡舅姑憐其無十諭

南平縣誌

卷之十六

列女

十六

以他適吳誓死苦守垂五十年七十一歲卒巡  
按上其事詔建坊旌之

任氏廖詩妻年二十六詩卒越五月生遺腹子度  
氏事姑孝撫育慈鄉里稱之卒年六十督學胡

公匾其門曰貞節

省志作  
順昌人

李氏庠生蕭元春妻梅東里人春故年十九一子  
在襁褓苦心字之始終完節按察使姜公御史  
樊公匾旌之

何氏楊大夏妻年二十三夏卒遺三子長道東次

道泰皆在襁褓二子道浩遺腹未生氏苦志孀守  
道東道浩俱入膠庠卒年六十有九

黃氏庠生楊繼周妻羅源里人年十八適繼周末  
幾周卒遺孤甫九月復殤氏慟幾絕姑曰天奪  
吾子復奪吾孫吾與汝相依爲命汝死如老嫗  
何黃悟乃止茹苦事姑年八十二卒督學姜公  
御史樊公徐公陳公皆旌其門

李氏謝元學妻年十八生一子夫死貧不能殮姑  
欲火葬李泣求傭織以營窀穸又諷以再醮李  
曰所以不死殉夫者爲孤也卒不改操至七旬  
終

南平縣誌

卷之十六

列女

十七

李氏名秋菊何繼文妻年十六適何三載夫卒無  
嗣以姑垂白忍死奉之夫弟八歲拊育稍長付  
以家業撫其次子邦裕爲嗣以節終

潘氏謝允敬妻早寡兒方襁褓苦守至長娶婦楊  
氏生孫而男又歿姑媳雙守皆完其節

張氏諸生葉韡榛妻年二十二夫亡子復不育氏  
苦節四十餘年卒年七十一

楊氏庠生謝其勲妻年二十勲卒孝事孀姑撫育  
稚子昌應閨儀謹恪內外賢之

謝氏楊德裕妻年二十四夫亡冰霜自勵事舅姑  
盡禮勤課二子之珩之璜幼入黌宮長模多士  
年七十有一而卒

曹氏徐璉妻年二十璉歿矢志守孤終身不改其  
操

張氏徐良翰妻年十八良翰歿氏守節至八旬終  
盧氏黃方巖妻年二十夫歿遺腹九月生男一竹

南平縣誌

卷之十六

列女

十八

與姑鄭氏冰節同勵人稱雙節氏性樂施修堤  
岸於城門灘以便船行釘一升於斛內以讓佃  
穀又捐修官路自李公橋至樟槎口行人便之  
李氏黃金騰妻年二十四孀居子甫四齡淡泊勵  
志撫孤成立四十九年霜操如一

謝氏十七歲爲徐日環妾僅兩月日環客死於外  
氏遺腹生男苦志堅守事嫡鄧氏維謹共撫遺  
■孤年至六十而卒

張氏徐聯英妻年二十七而聯英故遺腹生子茹

茶撫育年至七十潔清愈勵

楊鍾對詩  
水蘂芳標迴絕塵三千八百擬嶙峋身甘槁木

寧云醮柏舟新和熊畫荻遺麻遠趾定振節振勁羨

玉麟

王氏黃西峯繼室年二十四喪夫撫養二孤一體

優恤守節終身

施氏大芹山人年十五爲吳至善副室十八歲至善疾篤自度不起時施娠三月至善指謂妻張氏曰我不幸施氏身後事不可知且年茂任彼

南平縣誌

卷之十六

列女

十九

自爲計至善歿遺腹生男倪宣施自矢曰夫歿生男志操愈勵嫺戚罕見其面年六十而卒以妾而年少守節蓋尤所難

陳氏吳朝安妻年二十四而夫歿舅姑囑氏弟告以無子難守當自爲計陳曰一夫一婦人之常也縱然無子決無他適遂潛居一室早夜紡績以自給

徐門四節婦林氏徐大壯妻王氏徐雲鵠妻魏氏徐九章妻黃氏徐之楫妻林與王魏皆年二十一

目錄第五行駱氏陳  
 一德妻小傳作徐一  
 德第十行黃氏曹廷  
 鸞妻小傳作葉氏第  
 四十三行王氏魏惟  
 愷妻小傳作惟奎第  
 四十六行康氏陳維  
 新妻小傳作維紳均  
 未知孰是今爲批明  
 以俟修志採訪

黃年二十二早歲相繼喪夫家無儲積又乏偉  
 嗣娉妯矢死不二績蔴春糧以守其志遭愈苦  
 而節愈堅林魏卒年七十餘黃亦六旬有奇惟  
 王僅五旬餘耳

魏氏鄧權妻年二十于歸八年喪其君子姑老子  
 幼矢志孀守迨孤有室中道云徂養育幼孫備  
 嘗困苦卒年七十有六

謝氏秀娘年十九適鄧賢三載賢歿生子旭方二  
 歲誓節撫之中年沙寇擾攘躬負孤兒奔竄備

南平縣誌

卷之十六

列女

二十

歷艱辛年六十七完節以卒

林氏壽巖里高詩通妻守節崇禎十三年旌表建

坊於門

於門

國朝

江氏汪綸妻盧氏何蒼妻王氏朱應

謝氏盧晉妻吳氏鄒國妻張氏王武

葉氏俞大妻喪張氏俞大妻黃氏萬應

賴氏練錦妻黃氏朱運妻朱氏楊其

陳氏魏雲妻駱氏陳一德妻陳氏練韜

徐氏何仕雲母與後  
 葉氏高翔母原本俱  
 誤作妻閱徐氏小傳  
 有庠生何仕雲之母  
 課子成名語葉氏小  
 傳有監生高翔之母  
 生翔數月而寡語皆  
 係母無疑今俱校正

徐氏	何仕雲母	陳氏	王錫嚴妻	邱易甫妻
葉氏	黃成妻	黃氏	林暄魏氏	王瀚妻
上官氏	黃載妻	邱氏	官安子謝氏	楊尚妻
張氏	馮順駱妻	張氏	黃偉張氏	應蒲妻
黃氏	曹廷王妻	黃氏	盧煥又官氏	盧槐妻
官氏	盧匡張妻	吳公振林氏	吳振林氏	黃文妻
黃氏	盧荆黃妻	孫怡余氏	盧怡余氏	盧王妻
嚴氏	黃衡林妻	駱繼練氏	駱繼練氏	金大妻
嚴氏	班如胡氏	鄭國余氏	鄭國余氏	陳恩妻
馮氏	葉璋施妻	陳廷張氏	陳廷張氏	官宜妻
徐氏	鄒延葉妻	高翔祖母	高翔祖母	張名世母
黃氏	蔡敬林氏	鄧長朱氏	鄧長朱氏	葉端妻
余氏	謝士范氏	黃文姜氏	黃文姜氏	黃慕妻
朱氏	鄭彬袁氏	陳永羅氏	陳永羅氏	林奇妻
吳氏	邱敬鍾氏	汪文江氏	汪文江氏	施又妻
葉氏	陳樸李氏	陳燦高氏	陳燦高氏	黃如妻
羅氏	張日鄭氏	黃室邱氏	黃室邱氏	姚宗妻
魏氏	李恒龔氏	蔡灝童氏	蔡灝童氏	陳維妻

南平縣誌

卷之十六

列女

蔡氏祖袁紹妻包氏施朝妻張氏陳純妻

林氏尾王阿妻蔡氏胡文妻朱氏張允妻

蔡氏麟林昌妻魏氏謝定妻吳氏陳治妻

黃氏春朱遇妻賴氏黃龍見妻黃氏陳盤妻

官氏戶盧才妻陳氏元葉茂妻劉氏林聖妻

陳氏炳高升妻班氏何炳妻林氏黃亨妻

黃氏羅裳妻盧氏張鶴妻陳氏林繼妻

吳氏用陳有妻張氏魏伯妻葉氏丁盛妻

黃氏渭施開妻盧氏魏廉一妻汪氏石士妻

南平縣誌

卷之十六

列女

二十二

張氏珂楊鳴妻賴氏官廷妻朱氏陸林雅妻

謝氏桂陳廷妻楊氏盛陳繼妻施氏鄒世妻

陳氏魯鄭光妻董氏施能妻黃氏楊廣妻

胡氏黃媛妻曹氏吳舉妻張氏劉瓊妻

曹氏國何華妻張氏虞禮妻蔡氏許九妻

王氏張元王妻張氏盧特妻張氏妻

王氏俊吳聯妻翁氏應嗣瀨繼室羅氏汪肇妻

楊氏榮葉常妻余氏徐維妻朱氏鄭彬妻

謝氏黃鎧高氏陳奎黃氏陳恩氏

魏氏高子明妻 康氏 王氏王妻 江氏康妻

張氏劉龍妻 青王 氏魏愷妻 徐氏李元昇副室

施氏李均妻 高氏吳宗亨妻 祖氏應爾哲妻

葉氏高維妻 陳氏林文松妻 陳氏洪周妻

康氏陳維新妻 羅氏梅瑛妻 劉氏葉檀中妻

江氏汪綸妻年二十二而寡子烈甫四歲母憐其

貧勸他適不從守節撫孤年七十有餘人罕見

其面巡按朱邑侯口交扁其廬

盧氏何蒼霖妻霖死慮方有娠時當鼎革萑苻竊

南平縣誌 卷之十六 列女 二十三

發逃匿山中茹草乳孤逾月寇靖始克還家以

節終

王氏朱應曦妻年二十五夫歿翁姑在堂三子皆

襁褓氏茹荼養育歷三十餘年冰霜不改

謝氏蘭妹盧晉錫妻年十四于歸生二子而夫死

謝方二十二歲伯叔咸以改嫁勸哭告其父長

吉曰所欲女嫁者為婿產耳盍盡賣之毋生伯

叔心其志益堅衆不能奪康熙四十六年卒年

八十四矣

吳氏鄒國恩妻孝廉儀周庠生儀謨之母恩亡周謨俱幼氏紡績奉姑篝燈教子康熙戊子儀周登科氏對姑則強開顏獨處而涕交臆明年姑歿氏哀毀號慟水漿不入口七日卒事聞建坊旌表

張氏庠生王武妻初武艱嗣三爲納妾武死僅妾遺子二妾皆他適氏守節鞠孤三十年如一日葉氏俞大訓妻名保卿年二十一夫故守節事姑教子卒完其節巡按崔旌獎之

南平縣誌

卷之十六

列女

二十四

張氏庠生俞大本妻本故子士旂生未週姑且老氏斷髮矢志擇師教子後旂列邑庠順治丙申巡按朱上其事建坊旌表

黃氏萬應潮妻年十八夫亡足不踰閩年八十八以節終

賴氏生員練錦標妻有婦德夫素輕氏氏不爲戚年十八夫卒無子以節聞壽至九十而終

黃氏朱運熙妻適熙生子智臨九月而熙故氏年二十堅守苦節孝事庶姑年未老鵠形雞骨起

居需人其媳孝事之後子智臨遊庠

朱氏楊其芳妻年二十二夫亡子繼卒甘貧苦守  
撫孫成立

陳氏魏雲鼎妻適鼎生子香世甫在襁褓鼎病革  
謂氏曰汝少孤幼守否自裁氏痛不欲生矢志  
弗二夜勤紡績課子讀書人稱賢節

駱氏庠生徐一德妻夫喪艱辛撫孤卒底成立壽  
七十三

陳氏練韜妻年二十夫亡氏栢舟自矢中年子復

南平縣誌

卷之十六

列女

二十五

殤節操愈勵孝事舅姑始終不移年七十有三  
徐氏庠生何仕雲之母年二十四夫亡勵志守節  
課子成名

陳氏王錫璋妻夫亡時年二十五子幼辛勤守節  
拮据撫孤五十載不以家貧萌異志郡守范公  
光陽旌之曰巾幗鬚眉卒年八十

嚴氏尤溪進士嚴自恭女年十六歸邱易甫三載  
易卒無子以夫弟之子爲後苦節自勵年五十  
四全節以終

葉氏黃成基妻年二十夫亡遺腹三月撫孤成立  
三十年如一日

黃氏生員林暄妻年十八歸林生二子而暄卒氏  
矢志冰清孀居四十年完節而終知縣許廷璠  
詳請奉

旨旌表建坊

魏氏王之瀚妻未婚瀚死守節以終

上官氏黃載璣妻年二十三喪夫守節撫孤卒年  
八十有四

南平縣誌

卷之十六

列女

二十六

邱氏官子安妻年二十四子安故生一女並遺腹  
女而二甘貧守志上奉舅姑年至七十二卒宗  
族稱之

謝氏楊尙嬰妻二十四歲孀居撫孤清新卒年六  
十有六

張氏馮順我妻羅源里人年二十二夫往鄉遇賊  
見害一子方在襁褓舅姑垂白氏制口養育年  
七十卒郡守蕭公題其棹楔

駱氏慶娘黃偉夫妻庠生黃詮母年二十四夫亡

詮尙穉氏誓不改節卒年八十三郡守范旌曰  
節凜冰霜

張氏應蒲蛟妻年二十四夫亡遺腹七月氏凜冰  
操撫養孤兒以節壽終

葉氏曹廷鸞妻庠生曹邦英媳也適曹甫期而夫  
卒生子朝舞撫孤苦守舅姑垂白家貧傭織以  
養年至六十

王氏寶龜山盧又煥妻年十七適盧家貧孝事舅  
姑年二十三夫故生子德姚方六歲遺腹生德

南平縣誌

卷之十六

列女

二十七

春勤苦紡績族人罕見其面卒年六十一

官氏桂英監生盧定槐妻年十八適定槐生子政  
明年定槐故氏斷髮毀容誓不二志舅卒氏鬻  
簪珥殯殮姑嘗病目氏舐復明家遭回祿冒火  
抱姑出避右股爲火所焮孀居四十二載里黨  
賢之

官氏淑貞年十八適盧匡佑六年而佑故家徒四  
壁女紅以養公姑歿則盡禮極哀竭蹶擘畫以  
葬三柩年七十一卒計其苦節蓋歷四十六年

巡撫周上其事建坊旌表

張氏王臺吳振公妻年二十七夫故撫其遺孤夢  
元年七十八卒松筠節操歷五十一年無改柯  
易葉之日

林氏王臺黃文適妻年二十二夫故無子茹荼立  
嗣年六十一完節以終

黃氏梅西庠生盧荆川妻年十九歸盧老姑疾勉  
夫深夜瀰茗沸湯以進姑疾終歲不起氏侍湯  
藥扶持不離二十四歲夫歿遺孤三齡孝養鞠

南平縣誌

卷之十六

列女

二十八

育垂四十餘年卒完所志

黃氏盧怡孫妻十八合卺二十而寡遺三月腹咸  
以改適爲勸氏翦髮自誓彌月生子撫以有成  
年六十二乃卒

余氏右營把總盧王有妻年二十四王有奉檄隨  
征順昌賊盧天章過勞而卒遺一幼子年至二  
十餘亦夭折氏二女相依饑寒苦節年七十而  
卒

嚴氏黃衡英妻年二十四英亡堅貞自矢至六十

三歲撫子亨遠教以克家

林氏年十六適駱繼生三十歲而夫亡家貧徹骨  
二子俱稚氏績麻度日破屋臨街不蔽風雨人  
莫得窺其面有富人聞其德思娶之氏曰改節  
豈人所爲耶愈深自匿五十六歲以節終  
練氏庠生金大有妻年二十九夫故撫一男二女  
上奉舅姑朝夕不怠代父兼師子華燠遊泮氏  
六十三齡卒

嚴氏太學生班如機妻十九于歸二十有八而寡

南平縣誌

卷之十六

列女

二十九

星霜三十易節孝兼盡

胡氏廩生鄭國鑑妻年二十四鑑卒守志立姪鄭  
文滔爲嗣年方週歲氏撫育成人三十年冰操  
不改

余氏陳恩光妻年十九喪夫嗣子大坤終身守節  
年八十五卒

馮氏葉璋馨妻年二十一夫亡無子孀居二十載  
中間立嗣多故賫志以終鄉黨哀之

施氏陳廷延妻年二十五喪夫家貧無嗣誓不改

操績麻自給備歷艱辛年六十六終

張氏將弟年十四適官宜顯生子文茂八歲宜顯  
歿張氏二十三歲貞靜守節至乾隆二十六年  
年七十一終

徐氏鄒延經繼室生二子年二十四夫亡矢節堅  
守孝事翁姑鞠子成立卒年五十有七

葉氏秀吳墩監生高翔之母生翔數月而寡氏年  
少倚父家守節翔長攜歸夫族足不出閩年五  
十卒

南平縣誌

卷之十六

列女

三十

祖氏三連埂庠生張名世祖母早寡守節備歷艱  
苦乾隆 年 旌表

黃氏王臺蔡敬山妻蔡亡氏年二十六事瘋疾姑  
二十餘年曲盡婦禮撫育幼孤家貧勤紡資生  
里稱善焉

林氏鄧長和妻生一子六歲而夫歿氏年二十四  
苦節撫孤終日紡績以節終

朱氏小瀛洲葉端然妻年十八而寡撫子一女一  
誓不再嫁事繼姑惟謹姑歿尙遺幼孤氏乳哺

之卒年七十四

余氏王臺謝士仲妻夫故時三十歲撫子守節里  
無間言

范氏王臺黃文光繼室生二子年二十六夫亡矢  
志貞潔自克持家邑侯許廷璠以松筠節操旌  
之

姜氏王臺黃慕周繼室年二十六失夫姜秉性方  
正母儀端肅治家有法內外肅然

朱氏庠生鄭彬儒妻生二女無子年二十二夫卒

南平縣誌

卷之十六

列女

三十一

誓不適人夫弟勸其再醮遂自經家人救甦寡  
三十年不妄見親戚煢煢獨守苦節自甘卒年  
七十三

袁氏陳永立妻年二十四夫亡子五齡事老年太  
姑舅姑盡婦職四十年教子勤讀入庠

羅氏杜溪林奇鑣妻年二十三夫故無子以夫兄  
子爲嗣撫育成立守節以終

吳氏邱敬之妻二十五夫亡生子二俱夭其母以  
氏年少家貧勸改嫁不從乃以從姪之子爲己

天子嗣自撫育哺之雍正十三年十月屋前失  
火後抵高牆氏抱嗣孫登梯號泣曰予燼不足  
惜但恨邱祚斬矣都閩聞之呼兵掘牆以救家  
資盡燼依其弟日食難繼代人縫緝而以苦節  
終

鐘氏千總汪文耀妻年十八歸汪克盡婦道康熙  
六十年臺匪滋事文耀奉委出勦氏持家惟謹  
凱還後功加都司簽書氏益以力圖報効勉其  
夫雍正五年耀卒鍾年二十五慟不欲生念子

南平縣誌

卷之十六

列女

三十二

淳方五齡溶初週遂矢志守節夫喪葬俱鍾經  
畫和丸教子讀書淳弱冠食餼南庠乾隆癸酉  
登鄉薦鍾苦守稍懈未幾淳溶相繼歿家徒壁  
立淳妻林氏亦勵節凜操姑媳早夜力作鍼黹  
以育諸孫督孫筠力學入泮鍾性嚴毅寡言笑  
孀居尤凜至晚不衰可以法矣

江氏施又煌妻年二十二夫亡氏悲痛幾絕毀容  
守節凜若冰霜

葉氏陳樸成妻生二子陳卒氏年二十六貧窶

無依姑勸改節氏艱辛撫孤誓不二志卒守口節

李氏陳燦文妻年二十一夫死孤幼人疑其必他適也諷之氏容不飾居不見齒邑令王大輅以堅節撫孤旌之

高氏滌下黃如光妻年十九夫卒生一子不他適凜凜有操里人羨之

羅氏坑田張日紹妻年二十三夫故無子依夫弟撫幼女清貞完節

南平縣誌

卷之十六

列女

三十三

鄭氏埂頭黃室臨妻年二十七孀一子四齡一女初週矢志撫孤杜門清守

邱氏庠生姚宗周妻年二十九孀孤甫六歲次方九月事髦姑惟謹姑没治喪以禮教孤勤讀遊庠勵節四十年里無間言邑侯耿嘉平以節勵貞口旌之

魏氏字恒邱妻年二十孀居言笑不苟足不出壺終身勵節共稱其賢

龔氏蔡灝妻年二十一未育而寡夫兄子爲嗣旋

亡氏甘守節不越閨房外兄穎憫其志囑妻媳  
朝夕進膳房中卒年七十二

童氏溪頭陳維炳妻年二十一適陳方一週夫亡  
慟不欲生家持護不死后五月遺腹生子永矢  
冰操孝事舅姑撫孤成立卒年六十

蔡氏安豐橋袁紹祖妻年二十九而寡遺孤復天  
立節不移卒年五十

包氏后溪施朝梓妻年三十寡子幼有勸之醮者  
氏厲聲拒之嗣后人弗敢言氏念一門無依恐

南平縣誌

卷之十六

列女

三十四

遇害毀節迎其父君選相爲撫孤內外嚴肅里  
無間言卒年八十二

張氏陳純熙妻年二十八失夫子甫四齡氏翁念  
其貞孝予以田穀爲鍼黹資卒年八十

林氏更古王阿尾妻年二十七夫亡辛勤守節歷  
三十餘年無異志卒年六十五

蔡氏胡文光妻性端肅年二十四未育夫故哭之  
哀隣厭之諷以夫死夫在氏聞哀益甚夫弟又  
詈之乃閉戶自縊父應魁覺而救甦引歸家分

已膳田穀以養終身茹苦足不踰閩里黨咸重其節卒年六十一

朱氏張允恭妻子幼家貧事姑惟謹恭喪年二十六勵志冰操撫孤成立宗族無間言年五十八卒

蔡氏邑庠林昌麟妻年三十麟卒孀居三十載內外稱之卒年六十有三雍正二年送貞烈祠祀魏氏謝定溶妻未育而溶卒以夫弟之子繼嗣年二十有二栢舟自矢靜守深閨戚族罕有見者

南平縣誌

卷之十六

列女

三十五

卒年七十七

吳氏陳治恭妻年二十三夫亡子甫四齡貞守教孤嚴肅內外素言守節非艱撫孤不易愛子孫讀書甚切甲辰年見孫遊庠曾孫生乃以壽終時六十有三枝亭官太史曾顏義門貞樹於額且述其概以表之

黃氏朱遇春妻年十六歸朱有奩田三十餘斛生一子方四齡夫卒年二十八兄利其奩田勸他適氏曰白髮孀姑何託既而姑沒兄復勸之氏

垂泣曰生爲朱室婦死作朱家鬼雖日不再餐  
弗他適也歸奩田於兄歷二十餘年撫孤守節  
以終

賴氏庠生黃見龍妻年二十一而寡哀毀欲絕誓  
死靡他七十三歲而終

黃氏性貞淑配陳盤秋年十七于歸時夫疾篤未  
成婚氏侍湯藥五十餘日而秋亡哭泣盡哀卒  
以節終年七十有五

官氏寶龜山盧才戶妻茹苦守節乾隆二十七年

南平縣誌

卷之十六

列女

三十六

旌表建坊於坑頭路傍里黨時嘆其貞操進士  
卓道翼挽以詩云夫亡子幼孰憐孤家又清貧  
節又愚垢面蓬頭隨弱柳芳踪始得耀當塗

陳氏壽巖里葉茂元妻生二子夫故年二十七苦  
守勤績篝燈課子聯雋遊庠親視五代而卒壽  
九十七

劉氏洋尾林聖瑞妻年十六適瑞逾年生子甫三  
月而寡時孀姑年逾三十輕信從弟招贅余某  
迫氏他適不從余乃蕩林產族呈於官縣令文

公見劉年青慮其守不終狴以改醮試劉劉卽  
出翦斷髮毀容令亟止之曰汝誠堅貞吾名汝  
子曰貞觀給劉產業印照劉堅守鞠孤嗣徙城  
訓子觀業岐黃以痲痘科名冠一邑氏年五十  
有四以節終

陳氏國學生高升炳妻年二十夫死子稚矢節撫  
孤成立江西戴大學士以匾旌之卒年六十  
班氏郡增生何炳妻年二十四夫以勤讀邁疾卒  
無嗣舅姑在堂事之惟謹杜門清守六十餘年

南平縣誌

卷之十六

列女

三十七

如一日卒年八十有八

林氏黃亨遠妻二十六孀居勵操訓二子入庠年  
六十六卒

黃氏羅裳妻年二十二夫死家貧紡績守節五十  
年而歿

盧氏張鶴陰妻夫故無嗣以夫族姪承祧艱辛勵  
節年七十三卒

陳氏林繼彩妻林故子幼家貧以女紅度日不他  
適後繞膝四代卒年八十一郡守福旌曰節凜

松筠

吳氏陳有用妻用故娠甫三月誓不改節育一子撫之成立守貞三十載以終

張氏溪后魏角充妻夫逝事舅姑惟謹素勵冰操  
乾隆乙未年建坊

葉氏丁盛照妻年十九適丁善事姑三載未育夫  
亡矢節夫兄以次子爲嗣甫生孫而嗣與媳繼  
亡氏撫孤苦守至六十二歲卒

黃氏施開渭妻夫喪杜門紡績冰清自矢卒年八

南平縣誌

卷之十六

列女

三十八

十有四

盧氏邑庠魏一廉妻廉故氏謹奉舅姑貞靜勵操  
里無間言乾隆乙未年建坊旌之

汪氏石土豪妻千總廷璜母也豪卒氏撫幼孤備  
歷艱辛卒年七十有三

張氏楊鳴珂妻操守貞潔卒年五十四隣里稱之  
賴氏年十七適官廷梅任建鎮把總赴臺勦匪遇  
害氏年二十七孤道斫七齡家無升斗戚黨勸  
其他適咬指瀝血誓不二夫夫從弟廷桂聞而

重之賴依其家撫子織紵足不踰閭因傷悼染血症年三十七卒

朱氏林雅陞妻年十九適林生子甫週陞故矢志節二十餘年事姑以謹鞠孤成立

謝氏陳廷桂妻年十八桂逝孤子文甫二歲守貞年逾六十里無間言

楊氏陳繼盛妻子甫二齡而孀誓不再適卒年七十有四

施氏鄒世衡妻貢生琳之母也年二十三喪夫遺

南平縣誌

卷之十六

列女

三十九

腹誓不改節迨琳產生撫孤成立三遷教子治家嚴肅經歷風霜三十餘年冰操無失年五十而卒

陳氏國學生鄭光魯妻鄭亡遺腹生子守節至七十八歲卒邑侯許給匾以旌

董氏施能新妻年二十四孀里有富豪謀爲繼室其家人勸之醮氏聞言大痛哭曰一日失節何顏見人終身矢志不移里人稱之年七十卒

黃氏楊廣純妻貞靜賢淑年二十六而孀矢志撫

三幼孤治家嚴肅里人賢之卒年七十有九  
胡氏黃煖妻年二十二孀居無子生一女氏甘以  
節自守卒年五十三

曹氏吳鵬舉妻夫卒遺孤三茹荼撫孤清潔自守  
年八十卒

張氏郡庠劉瓊芳妻夫歿清白自守以孝事姑郡  
守范旌曰節孝可風

曹氏何華國妻夫死子稚無依歸母家清苦守貞  
教育其子遇泰孫其彬俱遊庠氏年八十一卒

南平縣誌

卷之十六

列女

四十

張氏虞禮惇妻年二十二喪夫家貧紡績自給足  
跡不出戶庭子長授室生孫二未幾子故長孫  
繼亡次孫稚弱姑媳煢煢孀居一室誠苦節也  
蔡氏許九德妻許亡賚志自守課子遊庠克承夫  
志卒年五十有三

氏張元 妻增生張廷素母克事舅姑夫亡堅  
貞自矢以其事 上聞奉

旨建坊旌表

王氏盧特茂妻夫喪后以節烈著族里重之捐建

節烈亭開基時地忽湧泉一窟水清而潔人咸異之謂漢之姜詩妻以孝感而泉湧□以節烈建亭掘地得泉非其貞氣致之然歟

張氏 妻二十四歲喪夫誓志靡他撫幼子成立壽九十二終

王氏吳聯俊妻年十九俊故無子以夫兄子嗣柏舟立節五十五歲卒

翁氏應嗣灝繼室年十九灝亡有節操撫前孤如己出教育備至事舅姑以孝聞李學師上其事

南平縣誌

卷之十六

列女

四十一

於 憲請

旨建坊旌表

羅氏年二十一適汪肇初孝廉承蔭祖母淑性異

順克修婦道初亡冰霜自潔邑侯張給匾以旌壽九十有三

楊氏葉常榮妻時年二十夫故生子登瀛甫三歲以貞節誓謹事舅姑訓子遊廩庠卒五十六

余氏徐維謙妻徐逝家貧以女紅資生守節年五十三卒

朱氏饒州叅軍灃長女年二十適邑庠生鄭彬儒  
生一子早殤夫死柏舟自勵卒年七十三  
謝氏黃鎧妻夫亡家貧苦守年六十一以節終  
高氏吉田里武庠陳奎璧妻夫亡無子以夫弟之  
子爲嗣終身凜節年五十六卒  
黃氏陳恩榮妻孀居凜操卒年六十餘  
魏氏高子明妻自幼端謹年十七于歸二十四而  
明卒生子甫四歲誓節不改孝姑教子勤儉裕  
家年八旬而終內外稱賢

南平縣誌

卷之十六

列女

四十二

康氏王 妻年二十四夫亡守節不移年五十  
卒

江氏康 妻年二十二夫喪撫孤守節年六十  
餘卒

張氏劉青龍妻年二十八而孀終日勤織謹事姑  
撫子成立卒年六十四

王氏魏惟奎妻年二十八孀居守節康熙癸亥村  
民乏食命其子施粥四十餘日人咸賴之卒年

五十四

徐氏李延平裔孫元昇副室年二十四失夫生子  
潤六齡鞠成授室潤旋亡長孫甫三歲次孫僅  
七十日煢煢赤貧其媳改適徐終茹苦誓不易  
節勤績星霜撫孫成立訓讀遊庠卒年七十四  
施氏李均妻無子年二十三而寡家貧勤績撫夫  
弱弟成立卒年七十

高氏吳宗亨妻年二十七亨亡長子甫五歲次子  
遺腹而生上事孀姑惟謹同室守節撫孤成立  
卒年五十二

南平縣誌

卷之十六

列女

四十三

祖氏應爾哲之妻哲故時氏年三十誓不改節撫  
二子以成立卒年七十有二鄉里稱之

葉氏高維萬妻萬故氏年甫二十苦節自守秉性  
恭儉卒時年七十有二閭里賢之

陳氏林文松妻年十八歲適松夫死氏年二十二  
歲膝無男女獨依兄嫂食貧自守數十年族黨  
無間言卒年六十歲

陳氏洪纘周妻年二十一夫亡僅一女勵志守節  
撫繼子以延夫嗣鄉里賢之卒年五十五

康氏陳維紳妻年二十九歲夫故撫孤甘心自守  
 待子成立享年七十有一無疾而終  
 羅氏梅汝瑛妻年二十四歲夫故守節子甫六齡  
 事姑不懈家貧苦守教子成立五十餘歲無疾  
 而終  
 劉氏葉中檀妻檀癩不解人道劉性端淑年十七  
 適檀善事檀無異志檀故尤勵貞潔堅守年六  
 十九卒

南平縣誌

卷之十六

列女

四十四

附現存節婦目錄

葉氏應汝輝妻曾氏蔡天漢妻龔氏楊振繡妻  
 以上年至八十餘者

羅氏蔡徹三妻官氏陳景高妻廖氏尙德妻

陳氏葉茂山妻陳氏胡紹文妻曾氏蔡錦妻

陳氏魏國梅妻黃氏吳隆佐妻謝氏王尙啟妻

林氏應克宜妻林氏應鶴齡妻以上年至七十餘者

金氏應遇選妻康氏陳阿壯妻劉氏羅國粲妻

樂氏楊文錦妻吳氏曾沂妻魏氏吳紹岐妻

查小傳金氏應遇選妻李氏朱昌長妻黃氏王高封妻張氏楊日光妻年俱七十以上應列入年至七十餘者楊氏黃思翰妻年六十九應列入年至六十餘者惟席氏王宮振妻年四十七不應列入年至五十餘者今因重校分別批明以俟修志更定

□氏吳上德妻小傳  
作盛寬妻與後魏氏  
黃思翰妻小傳作楊  
氏均未知孰是今亦  
批明以俟採訪

查陳氏應鵬翀妻已  
登目錄而獨無小傳  
李氏朱昌長妻施氏  
李均聘妻陳氏李長  
辰妻邱氏吳紹極妻  
林氏康選妻陳氏連  
超蘆妻林氏余廷玉  
妻俱有小傳而未登  
目錄今特批明以俟  
修志增補

葉氏吳士陳氏黃允陳氏林啟

鄭氏吳諒鄭氏劉學劉氏陳燦

魏氏王棟張氏楊光以上年至六十餘者

謝氏公敦陳氏郭亮葉氏世燉

陳氏楊文葉氏高本席氏吳德

章氏官松葉氏林興廖氏歐也

謝氏陳標丁氏李發蔡氏吳華

蔡氏胡降謝氏魏俊陳氏黃淮

劉氏高熹蔡氏黃秋陳氏林相

南平縣誌 卷之十六 列女 四十五

陳氏施明陳氏應翀席氏王振

以上年至五十餘者

吳氏林廣魏氏徐毅魏氏黃翰

黃氏王封胡氏陳柱

葉氏應汝輝妻監生璲母年二十六夫亡守節觀

察元旌以彤管揚休現年九十一歲

曾氏蔡天漢妻年二十四未育而孀家貧凜節夫

兄以四子為嗣授室生孫甫三歲而嗣子及媳

繼亡氏勤勞撫孤宗戚不接見苦守五十餘載

現年八十三

龔氏楊振繡妻年二十八繡故哀不欲生以舅姑老子幼強存旋舅姑繼沒拮据治喪以儉訓子

裕家刁邑侯以柏操凌霜旌匾現年八十一

林氏峽陽里應鶴齡妻年二十六歲夫亡遺二子

尙幼氏堅貞自矢教子成立且善持家政內外

肅然現年七十有七

羅氏蔡徹三妻年二十二夫逝生一子家貧鍼黹

自給誓守不二現年七十五

南平縣誌

卷之十六

列女

四十六

官氏大橫陳景高妻年二十七失夫矢志貞操鍼

黹自給誓不二志現年七十五

寥氏 尙德妻年二十六夫喪家貧自守鞠孤事

姑盡職和睦妯娌現年七十四

陳氏葉茂山妻年二十三孀男一女一俱襁褓誓

志守節順事姑子早故現年七十四

陳氏胡紹文妻年二十四孀茹荼自守鞠孤成立

現年七十三

金氏峽陽里應遇選妻年二十六夫亡氏立志守

節孝事翁姑撫育二子親族罕見其面現年七十有三

曾氏監生蔡錦妻年二十八喪夫足不出閩謹事

姑邑侯賀以冰霜矢志匾旌現年七十二

陳氏魏國梅妻素慈巽年二十八矢志冰霜課子

誦讀其次子及孫俱遊泮現年七十二

黃氏監生吳隆佐妻年二十二歲孀勤績勵節現年七十一

謝氏王尙啟妻年二十一寡冰霜自持撫孤成立

南平縣誌

卷之十六

列女

四十七

現年七十

林氏峽陽里應克宜妻年二十四夫故氏堅貞自守鄉人稱之現年七十

李氏漿口鄉朱昌長妻年二十四而長故遺二子尙幼家極貧親族勸其再醮氏答自我在三口單我去二子寒誓不改節終身紡績目給撫孤成立現年七十六

康氏陳阿壯妻年二十四失所天無嗣守節現年六十七

劉氏羅國燦妻年二十五孀甘心守節現年六十  
五

樂氏楊文錦妻侍舅姑特謹年二十八孀子甫週家  
貧勵節現年六十五

吳氏庠生曾沂妻年二十四孀有冰潔操訓子遊  
泮現年六十五

魏氏吳紹岐妻年十八夫故守節不改現年六十  
四

葉氏吳士堯妻年二十八孀勵志貞操現年六十

南平縣誌

卷之十六

列女

四十八

三

陳氏邑廩生黃允敬妻順事姑姑亡撫夫弱弟年  
廿九孀無出以夫弟之子嗣自勵貞節夫兄弟  
三人皆繼亡撫夫姪如己出家人事之如母焉  
趙穀士太史以昭我彤管顏其家現年六十三  
陳氏林啟榮妻年二十四寡操守貞潔族無間言  
現年六十一

鄭氏吳元諒妻年二十七守節矢志靡他現年六  
十

鄭氏監生劉學鈺妻年二十二而寡閨門肅如現年六十

劉氏陳輝燦妻年十三適陳二十一歲夫故鞠孤成立上事祖舅及姑朝夕不懈矢志不改節現年六十一

魏氏王其棟妻年二十孀貞守不移現年六十

謝氏 公敦妻家貧氏年二十歲敦亡勤績紡茹苦自給親族憫之勸其他適氏不悅曰此等事豈我所爲耶守貞不改族里欽之現年五十有

南平縣誌

卷之十六

列女

四十九

八

陳氏小茶陽郭廷亮妻年二十七失夫子甫七齡誓不他適訓子遊泮現年五十七

葉氏 世燉妻年二十夫故不再適撫孤成立謹事姑現年五十六

陳氏楊體文妻年十九孀無嗣以夫弟之子繼之敬重舅姑事後姑亦謹慎和妯娌守節靡異現年五十六

葉氏高一本妻年三十未育夫喪家貧守節事翁

惟謹立夫堂姪爲嗣現年五十六

席氏孝廉液次女吳盛寬妻年二十九而寬亡家  
貧苦守誓不改節現年五十六

章氏官肇松妻年二十九寡堅貞自守鞠孤成立  
現年五十五

葉氏林阿興妻年十九孀居勵志守節現年五十  
五

廖氏歐明也妻二十四孀立志守節現年五十五  
謝氏進士純欽之女陳國標妻年二十五孀未育

南平縣誌

卷之十六

列女

五十

立節不改自甘淡泊迎母同居晝夜鍼黹清守  
無難色現年五十四

丁氏李聖發妻年二十九寡守貞撫孤成立現年  
五十四

蔡氏年十六適吳仲華年二十九夫卒無子以夫  
兄次子爲嗣家貧食粥自甘足不踰閭每遇年  
節必致祭痛哭卓有賢聲現年五十一

蔡氏胡堯降妻年十八歸胡結縭三載降卒子穉  
苦節賚志現年五十一

謝氏魏廷俊妻年二十孀居撫孤成立貞靜自矢  
現年五十一

陳氏黃右淮妻年十九夫故痛不欲生誓志守節  
現年五十二

劉氏高宗熹妻年二十一夫逝未育誓不改節現  
年五十一

蔡氏黃捷秋妻年二十八夫故誓不他適撫孤成  
立現年五十

陳氏林相妻年十五于歸勤順翁姑二十一喪夫

南平縣誌

卷之十六

列女

五十一

不肯他適翁姑憐其苦守以膳田穀予之終日  
勤績撫成弱孤現年五十

陳氏施發明妻年三十夫死子甫八月家無斗筲  
氏母勸改適誓死施門日惟捫屨度活足不出  
闔備歷艱辛里人欽羨現年五十

席氏王宮振之妻年二十六而宮振故生一女氏  
立志守節家貧不給業女紅以養幼女迨女長  
適人氏隨父同居足不踰壺現年四十七

吳氏瑩王臺廩膳吳宮碩之女許字林思廣請期

矣廣病疽卒瑩年十七聞訃不欲生家守護焉  
瑩乃黜粧毀容獨居一樓與廣墳相對朝夕望  
而墮淚然見父母未嘗有戚容數遣弟問姑安  
如是者二十年姑命之歸恪共婦職得姑歡心  
閱今又七載君子以爲難焉

魏氏環姑監生徐志毅妻自幼貞靜寡言語長歸  
徐順事舅姑常以紡績佐夫讀書年二十九毅  
故家人以其乏嗣勸改適氏矢志金石足不出  
閩學師林以貞德傳徽旌之聞其節於上

南平縣誌

卷之十六

列女

五十二

楊氏聰坑黃思翰妻子履中甫六月而思翰卽  
世氏守節撫孤教育備至知縣高質慎以松筠  
節操四字旌之現年六十有九

黃氏王高封妻年二十七喪夫奉事翁姑誓志守  
節煢煢撫孤鄉族稱之自孀居後足不出閨五  
十餘年如一日現年七十有八

張氏楊日光妻年二十五歲夫故撫繼子事公姑  
朝夕不懈矢志靡他家無間言現年七十有九  
歲住餘東里橫坑坊

施氏李均聘室也未婚而均疾狂兩載弗廖氏年甫十八父母舅姑皆欲爲離婚謀已急氏奔訴舅姑泣伸己志遂爲之成禮后夫疾革至二十七歲而寡以夫姪繼嗣督學恩公登入潛德幽光錄

陳氏李長辰妻辰故氏勵志矢節以女紅微積營葬舅姑戚屬稱之督學恩公登入潛德幽光錄  
邱氏吳紹極妻夫早故氏茹苦營葬舅姑學師黃聞督學恩公著其節於潛德幽光錄

南平縣誌

卷之十六

列女

五十三

林氏康選妻夫喪年青日事勤績終無異志學師黃聞督學恩公載潛德幽光錄

陳氏連超霽妻夫故營葬舅姑見稱族戚督學恩公登入潛德幽光錄

胡氏陳國柱妻年二十四夫故寡極人勸其他適胡氏仰天發誓永不再嫁秉性孝慈公姑愛之尤善於女紅里人每以女師目之現年五十

林氏余廷玉妻矢節營葬舅姑人咸稱之督學恩公登入潛德幽光錄